

## **POZIV UPRAVI ZA INDIREKTNO OPOREZIVANJE BIH DA HITNO PRISTUPI RJEŠAVANJU PROBLEMA NEDOSTATKA OBRAZACA EUR 1**

Privredna/Gospodarska komora FBiH traži od Uprave za indirektno oporezivanje BiH da hitno riješi problem nedostatka obrazaca EUR 1 koji su neophodni za izvoz proizvoda bh kompanija.

Veliki broj izvozno orjentisanih kompanija se obratio Privrednoj komori FBiH za zahtjevom da se reaguje kako ne bi došlo do obustave izvoza i potpunog kolapsa bh privrede.

Poznato je da su bh kompanije izvozno orijentirane, te ukoliko se hitno ne izvrši nabavka obrazaca, doći će do ugrožavanja ugovorenih rokova isporuke, plaćanja penala i drugih posljedičnih problema, što će dovesti do velikih toškova i gubitka poslova.

Privredna/Gospodarska komora Federacije BiH je u stalnim nastojanjima da privrednim društvima omogući poslovanje u što povoljnijem poslovnom okruženju. Naše je opredjeljenje podržati domaću proizvodnju, boriti se za veću zastupljenost proizvoda domaće proizvodnje, kako na domaćem, tako i na inostranom tržištu, što u konačnici za rezultat ima veću zaposlenost i ekonomski prosperitet BiH.

Stoga je apsolutno neprihvatljivo da se i pored svih drugih problema sa kojima se susreću bh kompanije, suoče sa banalnim propustom kao što je nedostatak obrazaca EUR 1.